

Admela Hodžić

Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
N/r predsjedavajućeg
Vlada Kantona Sarajevo
Ministarstvu privrede Kantona Sarajevo
KJP „Sarajevo–šume” d.o.o Sarajevo

ZASTUPNIČKO PITANJE

Na osnovu člana 211. Poslovnika Skupštine Kantona Sarajevo („Službene novine Kantona Sarajevo”, broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22- Ispravka i 47/24) upućujem zastupničko pitanje Ministarstvu privrede Kantona Sarajevo i KJP „Sarajevo–šume” d.o.o Sarajevo i tražim da mi se dostave odgovori za period od 12. 05. 2022. godine do danas, na sljedeća pitanja:

1. Koliko je evidentiranih slučajeva koji se odnose na čuvanje šuma od šumskih požara i drugih elementarnih nepogoda, biljnih bolesti i štetočina, bespravnog prisvajanja i korištenja bespravnom sječom, kao i drugih protivzakonitih radnji, putem organizovane čuvarske službe?

Odgovor dostaviti sa preciznim pokazateljima u m² (kvadratni metar), km² (kvadratni kilometar), m³ (kubni metar) ili drugim mjernim jedinicama koje se koriste u godišnjim izvještajima KJP „Sarajevo–šume” d.o.o Sarajevo sa finansijskom procjenom.

2. Koliko su KJP "Sarajevo-šume" nadoknadile štetu nastalu bespravnom sječom za koje su odgovorni lugari/šumari, odnosno osobe odgovorne za čuvanje državnih šuma, a koje nisu evidentirale takvu bespravnu sječu i/ili nisu podnijele odgovarajuću

prijavu nadležnom tijelu za štetu nastalu na području koje je KJP "Sarajevo-šumama" dato na gospodarenje?

Odgovor dostaviti sa preciznim pokazateljima u m² (kvadratni metar), km² (kvadratni kilometar), m³ (kubni metar) ili drugim mjernim jedinicama koje se koriste u godišnjim izvještajima KJP „Sarajevo–šume” d.o.o Sarajevo sa finansijskom procjenom.

3. Koliko je šumarski inspektor donio rješenja o naknadi štete iz stava (2) ovog člana koju su KJP "Sarajevo-šume" dužne platiti, a koja se uplaćuje na namjenski račun Budžeta Kantona Sarajevo?

Odgovor dostaviti sa preciznim pokazateljima u m² (kvadratni metar), km² (kvadratni kilometar), m³ (kubni metar) ili drugim mjernim jedinicama koje se koriste u donesenim rješenjima šumarskog inspektora za KJP „Sarajevo–šume” d.o.o Sarajevo sa finansijskom procjenom.

4. Za koje čuvarske službe iz stava (1) ovog člana i pojedince iz čuvarskih službi su donesena rješenja o naknadi štete od strane šumarskog inspektora, a koje se formiraju unutar KJP "Sarajevo-šuma" po određenim čuvarskim reonima, po ovlaštenju KJP "Sarajevo-šume" d.o.o. Sarajevo?

Odgovor dostaviti sa preciznim pokazateljima evidentirane štete u m² (kvadratni metar), km² (kvadratni kilometar), m³ (kubni metar) ili drugim mjernim jedinicama koje se koriste u donesenim rješenjima za KJP „Sarajevo–šume” d.o.o Sarajevo sa finansijskom procjenom za svakog pojedinca.

5. Koliko čuvara šume imamo na evidenciji KJP „Sarajevo–šume” d.o.o Sarajevo i koliko godišnje izdvajamo za njihove plaće i naknade?

6. Koliko je u posljednjih pet godina prema Izvještajima KJP „Sarajevo–šume” d.o.o Sarajevo, evidentirano krađa državne i privatne šume na području kojem gospodari KJP „Sarajevo–šume” d.o.o Sarajevo?

Odgovor dostaviti sa preciznim pokazateljima u m² (kvadratni metar), km² (kvadratni kilometar), m³ (kubni metar) ili drugim mjernim jedinicama koje se koriste u godišnjim izvještajima KJP „Sarajevo–šume” d.o.o Sarajevo sa finansijskom procjenom.

OBRAZLOŽENJE

Prema ZAKONU O IZMJENAMA I DOPUNAMA ZAKONA O ŠUMAMA KANTONA SARAJEVO koji je stupio na snagu 12. 5. 2022. godine, a koji se odnosi na član 24. - izmjena člana 58. (Čuvanje šuma) jedan od osnovnih razloga bio je sprječavanje i zaštita bespravne sječe, krađe i uništavanja šume uopće, državnih šuma kojima gospodare KJP „Sarajevo–šume” d.o.o Sarajevo.

Tako smo uz veliki oprez i negodovanje ipak usvojili ove izmjene i dopune Zakona u kojima čuvarske službe prelaze u nadležnost KJP „Sarajevo–šume” d.o.o Sarajevo, u nadi da ćemo ipak dobiti bolje rezultate. Međutim, u izvještajima iz proteklih godina nismo dobili željene rezultate i bespravna sječa, krađa i uništavanje šuma kojima gospodare KJP „Sarajevo–šume” d.o.o Sarajevo su na istom nivou kao i prije ovih izmjena, ali sada neko za to treba da snosi odgovornost, jer u Zakonu o šumama Kantona Sarajevo ("Službene novine Kantona Sarajevo", br. 5/13 i 10/21) član 24. (Izmjena člana 58.) član 58. koji se mijenja i glasi: Član 58. (Čuvanje šuma) stoji da:

(1) KJP "Sarajevo-šume" dužne su obezbijediti neposrednu zaštitu državnih šuma i šumskog zemljišta iz člana 47. stav (2) ovog zakona, a odnosi se na čuvanje šuma od šumskih požara i drugih elementarnih nepogoda, biljnih bolesti i štetočina, bespravnog prisvajanja i korištenja, kao i drugih protivzakonitih radnji, putem organizovane čuvarske službe.

(2) KJP "Sarajevo-šume" dužne su nadoknaditi štetu nastalu bespravnom sječom ako se utvrdi da KJP "Sarajevo-šume" odnosno osoba odgovorna za čuvanje državnih šuma nije evidentirala takvu bespravnu sječu i/ili nije podnijela odgovarajuću prijavu nadležnom tijelu za štetu nastalu na području koje je KJP "Sarajevo-šumama" dato na gospodarenje.

(3) Šumarski inspektor donosi rješenje o naknadi štete iz stava (2) ovog člana koju su KJP "Sarajevo-šume" dužne platiti, a šteta se uplaćuje na namjenski račun Budžeta Kantona Sarajevo.

(4) Čuvarska služba iz stava (1) ovog člana formira se unutar KJP "Sarajevo-šuma" po određenim čuvarskim reonima. Čuvarsku službu obavljaju čuvari šuma koje za to ovlasti KJP "Sarajevo-šume".

Iz svega navedenog struka treba da upali alarm i treži nova rješenja. Moramo razmišljati u smjeru angažovanja zaštitarske službe ako uposlenici koje plaćamo ne daju očekivane rezultate.

Molim Vas da odgovor dostavite što je prije moguće.

Sarajevo, 22.07.2025. godine

Admela Hodžić

Zastupnica